

**Talamdan sa
Mga Mensahe alang sa Full-time Training
sa Spring Term sa 2022**

**LINANGKOB NGA HISGOTANAN:
MGA CAPITULO 5 HANGTOD SA 8 SA ROMA—
ANG UYOK SA BIBLIA**

Mensahe 13

**Makat-on sa Sekreto sa Pagpahimulos kang Cristo nga Balaod sa Espiritu sa Kinabuhi aron
Magkinabuhi diha sa Realidad sa Tinghugyaw/Jubileo sa Bag-ong Tugon**

Basahong Kasulatan: Lev. 25:8-17; Isa. 61:1-3; Luc. 4:16-22; Rom. 8:2, 16

- I. Ang tuig sa tinghugyaw/jubileo sa Levitico 25:8-17 girekord ingog panagna sa Isaias 61:1-3 ug natuman sa realidad sa Lucas 4:16-22:**
- A. Dunay duha ka dakong panalangin sa tuig sa jubileo: pagpanguli sa tagsatagsa ka tawo sa nawalang katigayonan niya ug pagkahigawas sa pagkaulipon—Lev. 25:8-17:
 - 1. Sa tuig sa jubileo tanang nagbaligya sa iyang katigayonan, sa pahat niya sa maayong yuta, gipabalik niini sa walay pagbayad og bisan unsa sa paglukat niini (vv. 10, 13, 28), ug tanang nagbaligya sa iyang kaugalingon nga maulipon makabaton pag-usab sa iyang kagawasan ug makauli sa iyang pamilya (vv. 39-41).
 - 2. Kanang mopauli sa iyang katigayonan ug mahigawas ug mopauli sa iyang pamilya nagtimaan nga sa jubileo sa Bag-ong Tugon namalik na ang mga magtutuo sa Dios nga nawalang diosnong katigayonan nila, gipahigawas na sa tanang gapos, ug namauli na sa iglesia nga diosnong pamilya nila—Efe. 1:13-14; Juan 8:32, 36; itandi sa Sal. 68:5-6.
 - B. Sa hulagway sa Daang Tugon molungtad og usa ka tuig ang jubileo, apan sa katumanan nagpasabot kini sa tibuok panahon sa Bag-ong Tugon, sa panahon sa grasya, nga panahon nga kahinangpan sa Dios ang nanguli nga mga binihag sa sala (Isa. 49:8; Luc. 15:17-24; 2 Cor. 6:2) ug sa dihang makapahimulos sa kagawasan sa kaluwasan sa Dios ang mga gidaugdaog nga ginapos sa sala (Rom. 7:14—8:2).
- II. Ang panahon sa Bag-ong Tugon panahon sa hilabihang kalipay, ug ang Cristohanon tawo nga hilabihan kamalipayon; kon wala pa ta sukad makasinatig hilabihang kalipay atubangan sa Dios, nagpakita kini nga dili igo ang pagpahimulos nato Niya—2 Cor. 6:2; 5:13; Buh. 11:5; 22:17; Sal. 43:4a; 51:12; 1 Ped 1:8; Isa. 12:3-6:**
- A. Nagpasabot ang *jubileo* og walay kabalaka o kabalisa, walay kahingawa, walay nakulang, walay bala-tian o katalagman, ug walay bisan unsang problema, apan naa hinuoy tanang kaayohan; busa, makapahimuot ug makatagbaw sa atong kasingkasing ang tanang butang, ug wala tay kabalaka, hayahay, naukyab, ug naghugyaw—Fil. 4:6-7, 11-13; Sal. 103:1-5.
 - B. Dawaton gyod nato si Ginoong Jesus nga tinuod nga jubileo sa sulod nato; kon nabatonan nato Siya, nabatonan nato ang Dios nga atong katigayonan ug mahigawas ta sa pagkaulipon sa sala ug ni Sata-nas aron dunay tinuod nga kagawasan ug pahulay—Buh. 26:18; Efe. 1:13-14; Col. 1:12; Mat. 11:28; Juan 8:32, 36:
 - C. Madawat ngani nato si Cristo ingon nga atong Manluluwas ug kinabuhi, mosulod Siya nato ingon nga balaod sa Espiritu sa kinabuhi aron mahimong jubileo nato, apan kon dili nato Siya pakinabuhion sa sulod nato ug kon dili ta magkinabuhi pinaagi Niya, dili ta praktikal nga nagkinabuhi sa jubileo—Lev. 25:11-12; Rom. 8:2.
 - 1. Kon gipatumong ang atong kasingkasing sa bisan unsang tawo, butang, o hitabo gawas sa Ginoo, pagsimba kinig diosdios, ug kalaotan ang sangpotanan niini—1 Juan 5:21; itandi sa Ezeq. 14:3, 5; 6:9.

2. Kon pakinabuhion nato si Cristo sa sulod nato ug magkinabuhi ta pinaagi Niya, makatagbaw nato ang tanan; kay kon dili, problema gyod ang tanan, ug walay jubileo.
- D. Makatagbaw nato ang tanan sa diha lang maato na ang malangkobon-sa-tanan nga Cristo nga atong pagpahimulos; dili ang mga tawo, mga hitabo, o mga butang ba sa gawas kondili si Cristo nga naa sa sulod nato ang maghimo natong kalma ug walay mga kabalaka sa mag-atubang ta sa tanang matang nga sitwasyon—Fil. 3:8-9; 4:5-8, 11-13:
1. Nawad-an si Adam sa pahat nga mapahimuslan niya ang Dios sa dihang wala niya kan-a ang kahoy sa kinabuhi; ang tanang dili matinuohong tawo sa kalibotan nawad-an sa Dios isip katigayonan ug pagpahimulos nila ug gibaligya ang ilang mga bahin ngadto sa sala aron mahimong mga ulipon sa sala—Efe. 2:12; Rom. 7:14; 6:19.
 2. Kabudlay ug kasub-anan ra gyod ang kinabuhi sa tawo ug mahanaw kini sa madali; ang tinuod nga kahimtang sa kinabuhi sa tawo kakawangan sa mga kakawangan, pagkahaw-ang sa mga pagkahaw-ang—paghakop og hangin—Sal. 90:10; 73:14, 16-17, 25; Eccl. 1:2-11, 14.
- E. Ang pagpahimulos sa mga magtutuo ni Cristo nga jubileo sa grasya mosangpot sa hingpit nga pagpahimulos sa jubileo sa millennium ug sa kinahingpitang pagpahimulos sa Bag-ong Jerusalem sa bag-ong langit ug bag-ong yuta—Fil. 3:14; Bug. 22:1-2a.
- F. Ang pulong *jubileo* in Levitico 25:10 nagpasabot og “panahon sa pagsinggit,” o “panahon sa pagtrumpeta sa sungay sa laking karnero”; ang pagsangyaw nato sa ebanghelyo pagpatingog man nato sa trumpeta aron imantala ngadto sa kalibotan nga, “Tan-awa, karon mao ang panahon nga nahimut-an; tan-awa, karon mao ang adlaw sa kaluwasan”—2 Cor. 6:2; Isa. 61:1-3:
1. Sa paglalang sa Dios sa tawo, tuyo Niya nga ihatag ang Iyang Kaugalingon diha ni Cristo ngadto sa tawo isip katigayonan kun panulundon niini (Gen. 2:9; 13:12-15; Sal. 16:5; 90:1); apan nahulog ang tawo, ug sa pagkahulog nawad-an ang tawo sa Dios nga katigayonan niya (Gen. 3:24; 4:16; Efe. 2:12) ug gibaligya ang iyang kaugalingon nga maulipon sa sala, ni Satanas, ug sa kalibotan (Juan 8:34; Rom. 7:14b; Gal. 4:8; Tito 3:3; 1 Juan 5:19b).
 2. Walay tinuod nga puluy-anan ang hulog nga mga tawo; gianud-anod sila ug naglaaglaag nga walay panimalay, kay ang Dios man ang tinuod nga puluy-anan sa tawo—Sal. 90:1; Gen. 28:17-19; Juan 15:4; Mat. 11:28.
 3. Ang kaluwasan sa Dios sa Bag-ong Tugon nagdala sa hulog nga tawo balik sa Dios nga diosnong katigayonan niya (Gal. 3:14; Efe. 1:14; Col. 1:12; Luc. 15:12-24), nagpahigawas sa tawo gikan sa pagkaulipon sa sala, ni Satanas, ug sa kalibotan (Juan 8:32; Rom. 6:6, 14; 8:2; Heb. 2:14-15; Juan 12:31), ug nagpahiuli sa tawo sa diosnong pamilya niya, sa panimalay sa Dios (Gal. 6:10; Efe. 2:19), aron makapahimulos siya sa pakig-ambitay diha sa grasya sa Dios (2 Cor. 13:14).

III. Mahigawas lang ta ug makabaton og tinuod nga kagawasan sa pagpahimulos nato ni Cristo nga balaod sa Espiritu sa kinabuhi aron magkinabuhi ta diha sa realidad sa jubileo sa Bag-ong Tugon (Rom. 8:2; Luc. 4:16-22); kadto rang nagpahimulos Niya ang dili magpakasala ug tinuod gyong gawasnon, nagkinabuhi nga dunay kagawasan, hinubaran, ug wala maulipon (Juan 8:36):

- A. Kon dili igo ang pagpahimulos nato sa Ginoo, maulipon gihapon ta sa daghang butang; dili magpulos ang pagdesidir; mapadayonon gyod tang moduol sa Ginoo aron mokaon ug mopahimulos Niya—1 Cor. 1:9; Bug. 2:7; Isa. 55:1-2.
- B. Mga tawo gyod unta ta nga nagbatasan sa pagpahimulos ni Cristo nga kahoy sa kinabuhi sa pagkinabuhi ug pag-alagad nato (Juan 7:57, 63; 2 Cor. 3:3-6; 1 Juan 5:16a); ang kahoy sa kinabuhi sa Genesis mao ang balaod sa Espiritu sa kinabuhi nga naa sa atong espiritu, ug ang kahoy sa husto ug sayop mao ang balaod sa sala ug kamatayon nga naa sa atong unod (2:9; Rom. 8:2, 6).
- C. Ang mga nagpahimulos ra ni Cristo nga balaod sa Espiritu sa kinabuhi pinaagi sa pagpatumong sa ilang salabotan sa espiritu ang dili magbatasan sa magpakasala ug tinuod gyong gawasnon; mokontak ngani ta sa Ginoo nga balaod sa Espiritu sa kinabuhi nga naa sa atong espiritu sa paggamit nato sa atong espiritu, mapahimuslan nato si Cristo isip dili maihap ug dagayang mga aspeto sa jubileo—Juan 8:11-12, 24, 28, 31-36; Rom. 8:2, 6, 16; Fil. 1:19.
- D. Gipahigawas ta ni Cristo nga jubileo nato gikan sa atong pagkakabos, pagkabinihag, pagkabuta, ug pagkadinaugdaog—Eccl. 1:2, 14; 3:11; Fil. 3:8; 2 Ped. 2:22; Luc. 12:21; Bug. 3:17.

- E. Tawo si Pablo nga “nipaandar” sa balaod sa Espiritu sa kinabuhi sa pag-alagad niya sa Dios diha sa iyang espiritu tungod sa unang gugma niya alang sa Ginoo—Rom. 1:9; 5:5; 8:35-39; Bug. 2:4-5:
 - 1. Ang paghigugma nato sa Ginoo sa unang gugma pagpauna man Kaniya sa tanang butang ug tanang hitabo, mag-isip Niya nga tanan sa atong kinabuhi—Col. 1:18b, 10; 1 Cor. 2:9-10.
 - 2. Mosulod ngani ang Dios kanato ug mogula gikan nato, kana ang pag-alagad nato Kaniya; nagbuhat ta uban ni Cristo diha sa kaiglesiahan, diin gihatag nato Niya ang atong unang gugma—A. A. 7:12; 2 Cor. 6:1a; Fil. 3:3; Mar. 12:30.
- F. Makapabaton nato sa tinuod nga kagawasan ang kaluwasan sa Dios; ang Dios maoy atong katigayonan, ug naggikan sa pagpahimulos nato sa Dios ang atong kagawasan:
 - 1. Kon dili mopahimulos sa Dios ang tawo, dili siya tinuod nga magawason; nagpasabot ang kagawasan og makagula, mahigawas sa tanang gapos, tanang bug-at nga luwan, tanang pagdaugdaog, ug tanang pagkaulipon—Juan 8:32, 36; Gal. 5:1; 2 Cor. 3:17.
 - a. Kon walay Dios ang tawo, bisan unsang pahimuslan niya bulag sa Dios kalan-on man sa iro, biya, ug tai—Fil. 3:7-9; itandi sa 2 Ped. 2:22.
 - b. Ginganlan si Satanas og Beelzebul, nga nagpasabot og “ang ginoo sa bungdo-sa-tai”; batid si Satanas sa pagdala sa mga langaw sa pagkaon og tai—Mat. 10:25; 12:24, 27; 2 Hari 1:2.
 - 2. Mahimong makagapos nato ang tanang butang sa atong kinabuhi, ug mahimong maulipon ta sa bisan unsang butang; una, gibihag ta ni Satanas; unya nipuyo siya nato ingon nga tig-apura, tig-hulhog, sa atong mga sala; ang resulta mao nga nahimo siyang dili balaodnong agalon nato, ug nahimo tang mga binihag niya hangtod nga dili na ta makahimog maayo ug magpakasala lang—Juan 8:34; Rom. 7:14; 1 Juan 5:19:
- G. Gibuntog na ta ni Cristo aron mahimong mga binihag Niya, ug ang lihok nato sa pagpangalagad nato alang ni Cristo pagsaulog man sa pagdaog ni Cristo alang sa madaogong himaya Niya (2 Cor. 2:12-14); giluwat ta ni Cristo sa pagkabinihag nato ni Satanas (Sal. 68:18; Efe. 4:8); karon nga Iya na ta, Siya ra ang atong Magtutudlo ug Agalon (Mat. 23:8; Exo. 21:6), ug “nahigawas na gyod” ta (Juan 8:36; itandi sa 2 Cor. 10:3-5).

IV. Ang pagkinabuhi sa jubileo pagkinabuhi man nga nagpahimulos ni Cristo nga balaod sa Espiritu sa kinabuhi, pagkinabuhi nga nagpahimulos sa Dios nga atong panulundon ug tinuod nga kagawasan:

- A. Ang bugtong paagi nga mahigawas ta sa tulo ka matang nga paghago sa kinabuhi sa tawo—sa paghago nga mahimong maayong tawo, sa paghago sa pagkabalaka, ug sa paghago sa pag-antos—paghimo man nato ni Cristo nga pagpahimulos, katagbawan, ug pahulay nato—Rom. 7:24—8:2; Fil. 4:5-7; 2 Cor. 12:9.
- B. Ang Cristohanong kinabuhi, kinabuhi gyong puno sa pagpahimulos sa Ginoo, kinabuhing puno sa kalipay ug mga pagdayeg; hingpit ngani tang magpahimulos sa Ginoo, mahimo Siyang jubileo nato; ang tingog sa madaogong pagkinabuhi mao ang tingog sa mapadayonong pagkalipay, pagpasalamat, ug pagdayeg sa Dios—1 Tes. 5:16-18; Sal. 50:14, 23; 106:12.
- C. Ang pagkinabuhi sa jubileo kinabuhi nga gisinati nato ang Dios mismo, si Cristo mismo, sa tanang sitwasyon; mahimo dayon Siyang unang butang ug sentro sa sulod nato nga maggiya nato ug maghari sa tanang kasamok sa kinabuhi sa tawo—Juan 6:16-21; Col. 1:17b, 18b.
- D. Nakat-on si Pablo sa sekreto nga magkinabuhi sa jubileo, sa sekreto nga makabaton ni Cristo sa bisan unsang palibot (Fil. 3:8-8); kay naa man sa pagbuot Niya ang tanan, moampo gyod ta nga, “Ginoo, puna ko, batoni ko, ug panag-iyaha ko; bisan unsa pa ang dayag nga sitwasyon nako, gusto lang kong magpahimulos Nimo”—4:5-7, 11-13.
- E. Usa ra gyod unta ang kasingkasing natong tanan—mahigugma sa Dios, magtinguha sa Dios, magkinabuhi sa Dios, ug maumol sa Dios aron mahimo tang pagpadayag Niya—ug usa ra ka paagi—ang Tulo-usang Dios mismo nga balaod sa Espiritu sa kinabuhi sa sulod nga dunay diosnong kapasidad—Jer. 32:39.

V. Ang pagsinati ug pagpahimulos sa balaod sa Espiritu sa kinabuhi nga realidad sa jubileo sa Roma 8 mao ang realidad sa Lawas ni Cristo—ang hiniyang pagkinabuhi sa nahingpit na nga mga Dios-tawo—nga gipasundayag sa Roma 12 hangtod sa 16; mahingpit sa Bag-ong Jerusalem kining realidad:

- A. Gihuman sa Dios ang Iyang pamatigayon sa pagpaambit Niya sa Iyang Kaugalingon kanato ingon nga balaod sa Espiritu sa kinabuhi—8:2, 6, 10-11; Bug. 22:1-2a.
- B. Ang balaod sa Espiritu sa kinabuhi nag-umol nato nga mga bahin sa Lawas ni Cristo, nga dunay tanang klase nga kagamitan—Col. 2:19; Efe. 4:11, 16; Rom. 12:4-8.
- C. Pinaagi sa diha-dayon, awtomatikong pagbuhat sa balaod sa Espiritu sa kinabuhi sa sulod nato, makaila ta sa Dios, makabaton sa Dios, ug sa ingon niana makakinabuhi sa Dios, nga tungod niana ma-umol ta sa Dios aron mahimong pagtubo ug pagdako Niya ug mahimong kahupnganan Niya nga mag-padayag Niya—Efe. 1:22-23; 3:19-21.